

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA ZAVIDOVIĆI



Služba za upravu poljoprivrede,  
vodoprivrede i komunalnih poslova  
Broj:02-23-646/19  
Datum:21.03.2019.godine

## PLAN AKTIVNOSTI u mjesecu čistoće-april 2019.

Odlukom o komunalnom redu („Službeni glasnik Općine Zavidovići“ broj: 3/2015 i 1/2017) određeno je da „Općinski načelnik, na prijedlog Službe za upravu poljoprivrede, vodoprivrede i komunalnih poslova jedan mjesec u godini proglašava mjesecom poboljšanja estetskog izgleda Općine“. Općinski načelnik je Odlukom broj :02-23-646/19 od 11.03.2019.godine mjesec april proglasio mjesecom čistoće u 2019.godini. Na osnovu toga Službe za upravu poljoprivrede, vodoprivrede i komunalnih poslova u saradnji sa drugim službama, školama, mjesnim zajednicama, udruženjima i drugim subjektima priprema plan aktivnosti koji odobrava takođe Općinski načelnik.

Učešće u realizaciji planiranih aktivnosti treba da uzmu građani općine Zavidovići, vlasnici privrednih, poslovnih i stambenih objekata, privredni subjekti, učenici osnovnih i srednjih škola, nevladine organizacije a koordinirajuću ulogu imaju općina Zavidovići i JKP „Radnik“.

### I Pripremne aktivnosti

1. Donošenje odluke o proglašenju mjesca čistoće za 2019.godinu.

**Način-** Služba za upravu poljoprivrede, vodoprivrede i komunalnih poslova priprema a Općinski načelnik donosi Odluku o proglašenju mjeseca čistoće

**Vrijeme-**Do 20.03.2019.godine

2. Izrada i utvrđivanje Plana aktivnosti u mjesecu čistoće

**Način-** Služba za upravu poljoprivrede, vodoprivrede i komunalnih poslova priprema a Općinski načelnik daje saglasnost na prijedlog Plana aktivnosti u mjesecu čistoće

**Vrijeme-**Do 25.03.2019.godine

### II Prethodne aktivnosti

Općinski načelnik je donio odluku da mjesec april proglasi mjesecom čistoće u 2019. godini, odnosno mjesecom poboljšanja estetskog izgleda općine Zavidovići, a obaveza Službe za upravu poljoprivrede, vodoprivrede i komunalnih poslova je bila da najkasnije do 25.03. tekuće godine, utvrdi prijedlog Plana aktivnosti u mjesecu čistoće. Sastavni dio Plana aktivnosti je i Plan potreba za sadnicama cvijeća, korpama za otpad, parkovskim klupama i slično.

Upoznavanje građanstva, udruženja, privrednih subjekata, ustanova i dr. sa Odlukom o proglašenju mjeseca aprila mjesecom čistoće.

**Način** - putem lokalnih sredstava informisanja, dostavom obavještenja na adrese, putem mjesnih zajednica i sl.

**Zadužen** - Služba za upravu poljoprivrede, vodoprivrede i komunalnih poslova.

**Način** - Putem lokalnih sredstava informisanja, dostavom obavještenja na adrese, putem mjesnih zajednica i sl.

**Zadužen** - Služba za upravu poljoprivrede, vodoprivrede i komunalnih poslova i JKP „Radnik”

**Vrijeme** - Od 25.03.2019. do 30.04.2019. godine

### **III Konkretni aktivnosti**

U mjesecu čistoće bit će urađeno sljedeće:

- a) Izrada letaka i plakata,
- b) Uređenje dvorišta kuća, ustanova, preduzeća, vjerskih zajednica i dr.,
- c) Komunalna higijena u gradskom dijelu općine,
- d) Postavljanje komunalne opreme u gradskom dijelu općine - klupe, korpe, kugle i sl.,
- e) Hortikulturno uređenje grada - sadnja cvijeća i zazelenjavanja uništenih zelenih površina,
- f) Sadržaj cvijeća u dvorištu Grdaskog dječijeg vrtića,
- g) Uređenje dvorišta Starog gradskog dječijeg vrtića,
- h) Uređenje prostora ispred Tehničke škole i zgrade Medžlisa islamske zajedni,
- i) Promovisanje ispravnog tretmana otpada - mjesto, vrijeme i način odlaganja kućnog otpada, korištenje sekundarnih sirovina iz kontejnera i dr.,
- j) Obilježavanje dana planete Zemlje.

### **IV Provođenje aktivnosti**

#### **a) Izrada letaka i plakata**

- Plakat sa porukama vezano za proglašenje mjeseca čistoće, važnosti očuvanja okoline, potrebe uređenja dvorišta, javnih površina i sl.,
- Letak sa osnovnim informacijama o Odluci o komunalnom redu, Odluci o proglašenju mjeseca aprila mjesecom čistoće i Planu aktivnosti u mjesecu čistoće ,
- Letak sa posebnim temama - proljetno uređenje dvorišta, obaveze građana, privrednih subjekata, ustanova i sl.,
- Leci urađeni za građanstvo, privredne subjekte, ustanove i dr. .

**Način** - Štampanje i distribucija na terenu

**Zadužen** - Služba za upravu poljoprivrede, vodoprivrede i komunalnih poslova iz svog djelokruga rada i JKP „Radnik” iz svog djelokruga rada.

**Vrijeme** - Od 25.03.2019. do 30.04.2019. godine

#### **b) Uređenje dvorišta kuća, ustanova, preduzeća i dr.**

Priprema i distribucija obavještenja za vlasnike dvorišta (građani, ustanove, preduzeća i dr.) o obavezama koje proističu iz Odluke o komunalnom redu.

**Način** - Štampanje letka i upoznavanje vlasnika dvorišta slanjem letaka, putem sredstava informisanja, putem mjesnih zajednica, udruženja i dr.

**Vrijeme** - Od 01.04.2018. do 30.04.2018. godine

**Zadužen** - Vlasnici stambenih, poslovnih i drugih objekata, Služba za upravu poljoprivrede, vodoprivrede i komunalnih poslova, nadležne inspekcije.

#### **c) Komunalna higijena u gradskom dijelu općine**

U mjesecu čistoće posebna pažnja će biti posvećena održavanju komunalne higijene u užem gradskom dijelu općine, a u tom pogledu će se:

- Povećati nivo aktivnosti JKP „Radnik” na čišćenju javnih površina, uklanjanju ostataka iz zimskog perioda, proljetno uređenje javnih površina i dr.,
- Upoznati građanstvo, javne ustanove, preduzeće i dr. o njihovim obavezama koje proizlaze iz Odluke o komunalnom redu.

**Način** - Služba za upravu poljoprivrede, vodoprivrede i komunalnih poslova će ovu aktivnost koordinirati sa JKP „Radnik”, te na adekvatan način animirati i ostale.

**Vrijeme** - Tokom mjeseca aprila

**Zadužen** – Služba za upravu poljoprivrede, vodoprivrede i komunalnih poslova, nadležne Inspekcije i JKP „Radnik”.

#### **d) Postavljanje komunalne opreme u gradskom dijelu općine - klupe, korpe, kugle i sl.**

Prema stanju na terenu, potrebama i mogućnostima popraviti će se oštećene klupe i korpice za otpad, postaviti će se određen broj novih klupa za odmor u užem gradskom dijelu općine, kao i korpi za otpad.

**Način** - Nabaviti će se određen broj klupa i korpica za otpad.

**Vrijeme** - Tokom mjeseca aprila.

**Zadužen** - Služba za upravu ekonomskih poslova i poduzetništva, Služba za upravu poljoprivrede, vodoprivrede i komunalnih poslova i JKP „Radnik”.

#### **e) Hortikulturno uređenje grada - sadnja cvijeća i zazelenjavanje i zaštita uništenih zelenih površina**

Nabaviti odgovarajuće količine potrebnog cvijeća i izvršiti sadnju na lokacijama gdje je moguće kvalitetno održavati tokom sušnih dijelova godine.

Travnjaci, gdje je došlo do devastacije istih, izvršiti će se prekopavanje i zasijati parkovska trava, iste lokacije zaštititi od vozila postavljanjem prepreka - kugli, uspostava pješačkih prelaza preko zelenih površina i sl.

**Način** - Nabaviti će se potrebna količina cvijeća i sjemena parkovskih trava, izvršiti će se pripreme i obaviti sadnja i sjetva.

Nabaviti će se određen broj kugli ili nekih drugih prepreka i postaviti na lokacijama koje treba zaštititi od vozila.

**Vrijeme** - Od 01.04.2019. do 30.04.2019. godine

**Zadužen** - Služba za upravu ekonomskih poslova i poduzetništva, Služba za upravu poljoprivrede, vodoprivrede i komunalnih poslova, JKP „Radnik”

#### **f) Uređenje obale rijeke Bosne**

Potrebno je očistiti lijevu i desnu obalu Bosne od ostataka otpada od posljednjeg izljevanja vode kao i izrslog sitnog šiblja a u dijelu iznad gornjeg mosta nastaviti sa uređenjem ribarskih staza sa obje strane rijeke.

##### **1. Uređenje obala između mosta Duga i ušća rijeke Krivaje u Bosnu**

**Način**- Potrebno je ukloniti ostatke otpada koji je ostao nakon posljednjeg izlivanja rijeke Bosne kao i sitnog šiblja. Bit će angažovano neko preduzeće za izvođenje ovih radova.

**Vrijeme**- Obzirom na specifičnost ovog posla odnosno da je otpad već duže vrijeme prisutan na obalama i da bi njegovo uklanjanje nakon izrastanja trave i šiblja bilo veoma otežano, ova aktivnost će se sprovesti što prije, po mogućnosti i prije nastupanja mjeseca aprila.

**Zadužen**- Služba za upravu ekonomskih poslova i poduzetništva, Služba za upravu poljoprivrede, vodoprivrede i komunalnih poslova i odabrano preduzeće za izvođenje radova.

##### **2. Nastavak uređenje ribarskih staza**

Potrebno na lijevoj obali rijeke Bosne izvršiti čišćenje obale i uspostavljanje ribarske staze počev od mosta prema restoranu TMK. Na desnoj strani uređenje postojećeg mobilijara-čišćenje, farbanje kao i uklanjanje visokog osušenog stabla koje predstavlja opasnost i ružan izgled.

**Način-** Očistiti obale od otpada angažovanjem članovi UG SR Krivaja ,angažovanjem Vatrogasne jedinice Zavidovići i članova UG SR Krivaja ukloniti osušeno drvo. Nabavit će se potreban materijal za frabanje i zaštitu izgrađenog mobilijara a članova UG SR Krivaja će izvršiti potrebne radove.

**Vrijeme-**Čišćenje obala i uređenje mobilijara na dan planete Zemlje, ostale aktivnosti tokom mjeseca aprila.

**Zadužen-** UG SR Krivaja, Služba za upravu civilne zaštite, Služba za upravu ekonomskih poslova i poduzetništva i Služba za upravu poljoprivrede, vodoprivrede i komunalnih poslova.

#### **g) Uređenje prostora ispred Tehničke škole i zgrade Medžlisa islamske zajednice**

Na lokaciji ispred Tehničke škole potrebno je ukloniti rastinje-šiblje, grmlje, izravnati površinu i postaviti betonske kugle radi sprečavanja parkiranja vozila na toj površini. Isto treba uraditi na lokaciji ispred zgrade Medžlisa islamske zajednice.

**Način** –Angažovati JKP radnik za obavljanje ovog posla.

**Vrijeme-**Prva polovica aprila.

**Zadužen-** Služba za upravu ekonomskih poslova i poduzetništva, Služba za upravu poljoprivrede, vodoprivrede i komunalnih poslova i JKP „Radnik“.

#### **h) Sadnja cvijeća u dvorištu „Gradskog dječijeg vrtića“**

U dvorištu „Gradskog dječijeg vrtića“ zasadić će se 100 sadnica sezonskog cvijeća, sadnju će izvršiti djeca iz vrtića ,roditelji i učitelji uz asistencije UG „Sadnice mira“.

**Način-** UG „Sadnice mira“ će koordinirati ovu aktivnost sa upravom Gradskog dječijeg vrtića, Općina će putem JKP „Radnik“ obezbjediti potrebne sadnice i ostale potrebne materijale.

**Vrijeme-**23.04.2019.godine.

**Zadužen-** Služba za upravu ekonomskih poslova i poduzetništva, Služba za upravu poljoprivrede, vodoprivrede i komunalnih poslova, JKP „Radnik“,UG „Sadnice mira“,“Gradski dječiji vrtić“.

#### **i) Uređenje dvorišta „Starog gradskog dječijeg vrtića“**

Izvela bi se akcija detaljnijeg čišćenja i uređenja dvorišta „Starog gradskog dječijeg vrtića“ a koja bi obuhvatila-uklanjanje otpada iz dvorišta,brušenje i farbanje ograde, fasade zgrade na dijelu koji se koristi za predškolsko obrazovanje,uređenje i farbanje postojećeg vanjskog dječijeg mobilijara, varenje i popravka ulazne kapije. Općina bi nabavila potrebne materijale a ALD Zavidovići bi angažovala 20 volontera za potreban broj dana, molera majstora i obezbedila osvježenje za učesnike.

**Način** –ALD Zavidovići bi koordinirao ove poslove obezbedio što je navedeno gore a Općina bi pomogla nabavkom potrebnih materijala

**Vrijeme-**Akcija čišćenja i uređenja dvorišta i dio drugih radova 22.04.2019.godine a ostatak radova tokom aprila.

**Zadužen-** Služba za upravu ekonomskih poslova i poduzetništva, Služba za upravu poljoprivrede, vodoprivrede i komunalnih poslova, ALD Zavidovići,“Gradski dječiji vrtić“.

#### **j) Promovisanje ispravnog tretmana otpada - mjesto, vrijeme i način odlaganja kućnog otpada, korištenje sekundarnih sirovina iz kontejnera i dr.**

Problem izbacivanja smeća iz kontejnera prilikom traženja sekundarnih sirovina je stalno prisutan, ovom problemu treba posvetiti posebnu pažnju.

Izrada obavještenja i upozorenja i upoznavanje građanstva sa načinima i terminima odlaganja pojedinih vrsta otpada. Posebno će biti tretirana problematika kopanja po kontejnerima radi vađenja sekundarnih sirovina od strane lica koja se bave ovim poslom, a koja prilikom vađenja sekundarnih sirovina iz kontejnera izvade i drugi otpad i ostave ga pored kontejnera.

**Način** - Služba za upravu poljoprivrede, vodoprivrede i komunalnih poslova i JKP „Radnik” će, svako iz svoje nadležnosti, preduzeti potrebne aktivnosti (upoznati građanstvo sa odredbama Odluke o komunalnom redu, te o načinu i vremenu odlaganja otpada, kao i predviđenim mjerama protiv onih koji se ne pridržavaju istih).

**Vrijeme** - Tokom mjeseca aprila

**Zadužen** – Služba za upravu poljoprivrede, vodoprivrede i komunalnih poslova putem inspekcija i JKP „Radnik”.

### **k) Obilježavanje Dana planete Zemlje**

Nekoliko aktivnosti će obilježiti ovaj dan, 22.04.2019. godine. To je dan kada se u cijelom svijetu želi skrenuti pažnja na potrebu odgovornijeg odnosa svih naspram očuvanja svoje najbliže okoline a samim tim i cijele planete Zemlje. Na ovaj dan planirano je da učešće u nekoliko akcija uzme veći broj prije svega djece i omladine-predškolskog uzrasta, učenici osnovnih i srednjih škola i članova ekoloških udruženja a i građana. Cilj je takođe animirati i privredne subjekte da u okviru svojih preduzeća naprave akcije na čišćenju i uređenju a isto tako i vlasnike stambenih objekata.

**Način**-Izradom i distribucijom letaka animirati sve gore pomenute i ukazati na značaj ovog datuma i potrebe ali i obaveze njihovog uključivanja na obilježavanju ovog dana, osim ovoga provesti masovnu akciju čišćenja gradskog dijela općine sa posebnom pažnjom površina u blizini škola, javnih ustanova, sportskih terena. U ovo treba ubrojati i ostale navedene aktivnosti u ovom Planu a koje će se provesti na ovaj dan.

**Vrijeme**-22.04.2019-23.04.2019. godine

**Zadužen**- Građani, vlasnici poslovnih i stambenih objekata, udruženja građana, sportski klubovi, JKP „Radnik”, škole, mjesne zajednice i Općina.


### **V Potrebna sredstva za realizaciju Plana**

Za realizaciju ovog Plana nije potrebno izdvajati posebna finansijska sredstva. Za dio aktivnosti koje su predviđene potrebni su već postojeći resursi Općine, a to su zaposlenici tri službe i manje količine kancelarijskog materijala koji se nabavlja i koristi kroz redovne aktivnosti.

Za izvođenje planiranih poslova, vršenje usluga i nabavku materijala takođe nije potrebno da se planiraju posebna dodatna sredstva, na nekoliko budžetskih pozicija u 2019. godini već su opredijeljeni iznosi iz kojih se može finansirati nabavka i ugradnja potrebne opreme i materijala i realizacija pojedinih aktivnosti. O ovome će se sačiniti poseban popis potrebnog materijala, opreme i finansijskih sredstava i on će činiti sastavni dio ovog Plana.

Obradio:

(Huskić Elvedin)



POMOĆNIK NACELNIKA  
Izet Bašić dipl.ing.agr.